



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ք. Երևան

01.02.2022թ.

Ո Ր Ո Շ ՈՒ Մ

ՀՀ գնումների հետ կապված բողոքներ քննող անձի թիվ ՍՑ-ՆԳ-2022/24

Հայաստանի Հանրապետության գնումների հետ կապված բողոքներ քննող անձը՝ ի
դեմս Գրիգոր Ներսիսյանի,

Մասնակցությամբ՝

«Տեխնոգլոբ» ՍՊԸ-ի ներկայացուցիչ՝ Ա. Սարգսյանի (լիազորագիր՝ տրված
25.01.2022թ.),

ուսումնասիրելով Հայաստանի Հանրապետության ֆինանսների նախարարության
20.01.2022թ. թիվ 26/26-1/997-2022 գրությամբ «Տեխնոգլոբ» ՍՊԸ-ին գնումների
գործընթացին մասնակցելու իրավունք չունեցող մասնակիցների ցուցակում ներառելու
նպատակով նախաձեռնված ընթացակարգով ներկայացված հիմքերը, պարզեցի
հետևյալը.

1. ՀՀ ֆինանսների նախարարության ներկայացրած փաստերը և պահանջը.

ՀՀ ֆինանսների նախարարությունը, ՀՀ պաշտպանության նախարարության
13.01.2022թ. թիվ ՊՆ/02/163-2022 գրության հիման վրա, 20.01.2022թ. թիվ 26/26-1/997-

2022 գրությամբ նախաձեռնել է «Տեխնոգլոբ» ՍՊԸ-ին (հետայսու նաև՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

2. «Տեխնոգլոբ» ՍՊԸ-ի կողմից ներկայացված փաստարկները և դիրքորոշումը.

«Տեխնոգլոբ» ՍՊԸ-ն, ՀՀ գնումների հետ կապված բողոքներ քննող անձին ուղղված գրությամբ, հայտնել է հետևյալ դիրքորոշումը.

««Տեխնոգլոբ» ՍՊ Ընկերությանը (հետայսու՝ Ընկերություն) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնած ընթացակարգի դեմ առարկում ենք:

Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով ՀՀ պաշտպանության նախարարության (հետայսու՝ Պատվիրատու) գործողություններն իրավաչափ չեն, քանի որ ընթացակարգ նախաձեռնելու համար բացակայում է անհրաժեշտ իրավական հիմքը:

Փաստեր.

1. Պատվիրատուի և Ընկերության միջև 17.08.2021թ կնքվել է մատակարարման թիվ ԳՀԱՊԶԲ-21-22/5-1 պայմանագիրը, համաձայն որի Մատակարարը պարտավորվել է Պատվիրատուին մատակարարել (Եռոտանի (Շտատիվ) (Հրետանային բուսուլի եւ Կ-1 կոլիմատորի եռոտանի)) ապրանք մինչև 31.10.2021 թվականը:

2. 17.08.2021թ կնքված Պայմանագրի մատակարարման ժամկետը կողմերի համաձայնությամբ երկարեցվել է մինչև 30.11.2021թ նկատի ունենալով, որ մատակարարվող ապրանքի ամբողջ խմբաքանակն Ընկերությունը ձեռք էր բերել, սակայն տեղափոխման հետ կապված ծագել էին անհաղթահարելի խնդիրներ:

3. 17.12.2021 թվականին Ընկերությունը դիմել է Պատվիրատուին հայտնելով, որ մատակարարվող ապրանքը Հայաստանի Հանրապետություն տեղափոխելու առնչությամբ ծագած խնդիրները 30.11.2021թ դրությամբ դեռևս չեն հաղթահարվել, ուստի՝ մատակարարվող ապրանքից 20 հատը Հայաստանի Հանրապետություն է մուտք եղել 2021 թվականի դեկտեմբեր ամսի առաջին տասնօրյակում եւ պատրաստակամ է իրականացնել մատակարարում, եթե դեռևս Պատվիրատուի մոտ կարիքն առկա է:

4. 17.12.2021թ գրության վերաբերյալ Պատվիրատուն դիրքորոշում չի հայտնել եւ 12.01.2022 թվականին ծանուցվել ենք 17.08.2021թ պայմանագիրը 2.1.7.1 կետի բ)

ենթակետի հիմքով միակողմանի լուծելու մասին, սահմանված ժամկետում մատակարարում չիրականացնելու պատճառաբանությամբ:

Պայմանագրի գործողության ընթացքում Պատվիրատուն հավաստվել է, որ մատակարարվող ապրանքի ներկրումն իրականացվում է այլ կազմակերպության միջոցով եւ տեղափոխման ընթացքում ծագել են խոչընդոտներ, որոնք անկանխելի են եղել ինչպես տեղափոխող կազմակերպության այնպես էլ Ընկերության համար:

5. 17.08.2021թ կնքված պայմանագրի մատակարարման ժամկետը եղել է 30.11.2021 թվականը, 17.12.2021 թվականին Ընկերությունը գրությամբ հայտնել է, որ պատրաստ է մատակարարվող ապրանքից մատակարարել 20 հատ:

Առնվազն 17.12.2021 թվականին Պատվիրատուի համար հայտնի է եղել, որ 30.11.2021 թվականի դրությամբ Ընկերություն դեռեւս ապրանք չի մատակարարել:

Իրավական հիմք.

«Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն՝ մասնակիցը ներառվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,.....:

ՀՀ կառավարության 04.05.2017թ թիվ 526-Ն որոշման Հավելված 1-ի «հետայսու՝ Կարգ» 45-րդ կետի համաձայն՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Կարգի 45-րդ կետով սահմանված՝ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալուց հետո 5 աշխատանքային օրվա ընթացքում մասնակցի տվյալները լիազոր մարմնին տրամադրելը պատվիրատուի պարտականությունն է, այն իմպերատիվ դրույթ է, որի պահպանմամբ միայն կարող ենք փաստել իրավահարաբերության առաջացումը: Հակառակ դեպքում, Կարգի 45-րդ կետով

սահմանված դրույթները չեն ծառայի իրենց նպատակին եւ այլակերպ մեկնաբանման դեպքում կհանգեցնի այլ չհիմնավորվող մեկնաբանության՝ հաշվի չառնելով այն ընդունող մարմնի նպատակը, նորմում պարունակվող բառերի եւ արտահայտությունների տառացի նշանակությունը:

Սույն գործի փաստերի համաձայն, թեև Ընկերությունը հայտնել է, որ պայմանագրով սահմանված ժամկետում ապրանքը չմատակարարելու համար եղել են անկանխելի եւ անհաղթահարելի իրավիճակ, այնուամենայնիվ, եթե Պատվիրատուն եզրահանգել է, որ առկա է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի հիմքերը, ապա այդ հիմքերը Պատվիրատուի համար ի հայտ են եկել դեռևս 30.11.2021 թվականին: Պատվիրատուն Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով տվյալները եւ փաստաթղթերը ՀՀ ֆինանսների նախարարությանն է ներկայացրել 13.01.2022 թվականին:

Պատվիրատուի կողմից չի պահպանվել Կարգի 45-րդ կետով սահմանված իմպերատիվ դրույթը, որպիսի պարագայում Օրենքի 6-րդ հոդվածի 1-ին մասի 6-րդ կետով սահմանված պատասխանատվությունը չի կարող ծագել և հանգեցնել Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելուն:

ՀՀ Սահմանադրության 6-րդ հոդվածը սահմանում է՝ Պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

Պետական մարմինների գործողությունները, որոնք դուրս են օրենսդրի եւ գործադիրի կողմից սահմանված լիազորությունների շրջանակից, չեն կարող իրավական հետեւանք առաջացնել իրավահարաբերության սուբյեկտի համար, մինչդեռ, այն պատասխանատվության հիմք կարող է հանդիսանալ գործողության կրողի համար:

Վերլուծելով վերոգրյալ փաստերը կարգավորող նորմերի համատեքստում՝ արձանագրում ենք, որ Պատվիրատուն չի ղեկավարվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով եւ Կարգի 45-րդ կետով:

Ելնելով վերոգրյալից՝ խնդրում եմ մերժել ՀՀ ֆինանսների նախարարության գրության հիման վրա «Տեխնոգլոբ» ՍՊ ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնած ընթացակարգը»:

«Տեխնոգլոբ» ՍՊԸ-ն, պատշաճ ծանուցված լինելով ՍՑ-ՆԳ-2022/24 ընթացակարգի շրջանակներում 26.01.2022թ. ժամը 09:45-ին հրավիրված նիստի վերաբերյալ, ապահովել է իր ներկայացուցչի մասնակցությունը, ով իր հերթին պնդել է վերը շարադրված դիրքորոշումը:

3. ՀՀ պաշտպանության նախարարության կողմից ներկայացված փաստարկները և դիրքորոշումը.

ՀՀ պաշտպանության նախարարությունը (հետայսու նաև՝ Պատվիրատու) ՀՀ ֆինանսների նախարարությանն ուղղված 13.01.2022թ. թիվ ՊՆ/02/163-2022 գրությամբ հայտնել է հետևյալը.

«Հիմք ընդունելով ՀՀ պաշտպանության նախարարության և «Տեխնոգլոբ» ՍՊԸ-ի միջև 17.08.2021թ. կնքված N ԳՀԱՊՁԲ-21-22/5-1 գնման պայմանագրի 2.1.7.1 կետի բ) ենթակետի պահանջը՝ ՀՀ պաշտպանության նախարարությունը 2022թ. հունվարի 7-ին միակողմանի ամբողջությամբ լուծել է N ԳՀԱՊՁԲ-21-22/5-1 գնման պայմանագիրը:

Միաժամանակ տեղեկացնում եմ, որ վերոնշյալ պայմանագրի լուծման վերաբերյալ գրությունը 12.01.2022թ. հրապարակվել է www.gnumner.am հասցեով ինտերնետային կայքում:

Գնումների գործընթացին մասնակցելու իրավունք չունեցող մասնակիցների ցուցակում ներառելու պաշտոնական ընթացակարգ նախաձեռնելու համար կից ներկայացվում են վերոնշյալ մասնակցի վերաբերյալ անհրաժեշտ փաստաթղթերը»:

Պատվիրատուն, պատշաճ ծանուցված լինելով ՍՑ-ՆԳ-2022/24 ընթացակարգի շրջանակներում 26.01.2022թ. ժամը 09:45-ին հրավիրված նիստի վերաբերյալ, չի ապահովել իր ներկայացուցչի մասնակցությունը:

4. ՍՑ-ՆԳ-2022/24 ընթացակարգի քննության համար էական նշանակություն ունեցող փաստերը.

ՍՑ-ՆԳ-2022/24 ընթացակարգի քննության համար էական նշանակություն ունեն հետևյալ փաստերը.

1. ՀՀ պաշտպանության նախարարության և «Տեխնոգլոբ» ՍՊԸ-ի միջև 17.08.2021թ. կնքվել է թիվ «ԳՀԱՊՁԲ-21-22/5-1» ծածկագրով պետության կարիքների համար ապրանքի

մատակարարման պայմանագիր (հետայսու նաև՝ Պայմանագիր), որի 1-ին կետի 1.1 ենթակետի համաձայն՝ Վաճառողը պարտավորվել է սույն պայմանագրով սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման ժամանակացույցով նախատեսված ապրանքը, իսկ Գնորդը պարտավորվել է ընդունել ապրանքը և վճարել դրա համար:

2. Պայմանագրին կից N 1 հավելվածի Գնման ժամանակացույցով սահմանվել է հետևյալը.

Գնման առարկայի				
Ձ/Հ	անվանումը	չ/մ	քանակը	Մատակարարումը՝ 2021թ. ըստ համապատասխան եռամսյակների
				4-րդ եռամսյակ, բայց ոչ ուշ քան 31.10.2021թ.
1	Եռոտանի (Շտատիվ) (Հրետանային բուսոլի և Կ-1 կոլիմատորի եռոտանի)	հատ	100	100

3. Պայմանագրի շրջանակներում կողմերի միջև 29.10.2021թ. կնքվել է N 1 փոփոխությունը, որի 1.1 կետի համաձայն՝ Պայմանագրին կից գնման ժամանակացույցում կատարվել է փոփոխություն, որը ներկայացված է սույն փոփոխությանը կից N 1 Հավելվածով:

4. N 1 փոփոխությանը կից Հավելված 1-ի համաձայն՝ ապրանքի մատակարարման վերջնաժամկետ է սահմանվել 2021 թվականի 4-րդ եռամսյակ, բայց ոչ ուշ քան 30.11.2021թ.:

5. «Տեխնոգլոբ» ՍՊԸ-ն ՀՀ պաշտպանության նախարարությանն ուղղված 17.12.2021թ. գրությամբ հայտնել է հետևյալը.

«Հայտնում ենք Ձեզ, որ ԳՀԱՊՁԲ-21-22/5-1 պայմանագրով նախատեսված ապրանքները Եռոտանի (Շտատիվ) (Հրետանային բուսոլի և Կ-1 կոլիմատորի եռոտանի)) ձեռք են բերվել մատակարարման նպատակով մեր կազմակերպության կողմից:

Տեղափոխման ընթացքում առաջացած ֆորսմաժորի արդյունքում ՀՀ տարածք է հասել խմբաքանակի մի մասը 20 հատ, (անհրաժեշտության դեպքում պատրաստ ենք տրամադրել վերոնշյալը հավաստող համապատասխան տեղեկանք, տրամադրված տեղափոխող կազմակերպության կողմից):

Խնդրում ենք լուծել վերոնշյալ պայմանագիրը, որը խմբաքանակի 2021թ. ընթացքում տեղափոխման անհնարինության հետ կապված:

Հաշվի առնելով այն հանգամանքը, որ ապրանքի ձեռք բերման կարիքը պատասխանատու ստորաբաժանման մոտ չի վերացել և մեր տրամադրության տակ

առկա են 20 հատ շահագործման համար պիտանի խմբաքանակ, առաջարկում ենք այն նվիրաբերել պատասխանատու ստորաբաժանման կարիքների համար, պայմանագրով նախատեսված տուգանքները չկիրառելու դիմաց»:

6. Հայտը նախագծած ներկայացուցիչ ՀՀ ԶՈՒ ՀՁ և ՀՎ պլանավորման և հաշվառման բաժնի պետի կողմից 24.12.2021թ. կազմվել է պայմանագրի կատարման մասին թիվ 21/119 եզրակացությունը, համաձայն որի 17.12.2021թ. դրությամբ պայմանագրով նախատեսված ապրանքները չեն մատակարարվել:

7. Պատվիրատուն «Տեխնոգլոբ» ՍՊԸ-ին ուղղված 11.01.2022թ. գրությամբ հայտնել է հետևյալը.

«(...) Հիմք ընդունելով Պայմանագրի 2.1.7.1 կետի բ) ենթակետի պահանջը՝ ՀՀ պաշտպանության նախարարությունը 2022թ. հունվարի 7-ին միակողմանի ամբողջությամբ լուծել է վերոնշյալ Պայմանագիրը: (...)»:

8. Պատվիրատուի կողմից www.procurement.am հասցեով գործող ինտերնետային կայքում (հետայսու նաև՝ Տեղեկագիր) 12.01.2022թ. հրապարակվել է Պայմանագիրը միակողմանի ամբողջությամբ լուծելու մասին ծանուցումը:

5. ՀՀ գնումների հետ կապված բողոքներ քննող անձի հիմնավորումները և եզրահանգումը.

ՀՀ գնումների հետ կապված բողոքներ քննող անձ Գրիգոր Ներսիսյանս, ուսումնասիրելով ՀՀ ֆինանսների նախարարության 20.01.2022թ. թիվ 26/26-1/997-2022 գրությունը, ՀՀ պաշտպանության նախարարության 13.01.2022թ. թիվ ՊՆ/02/163-2022 գրությունը՝ կից փաստաթղթերով, հայտնում եմ հետևյալը.

ՀՀ քաղաքացիական օրենսգրքի (հետայսու նաև՝ Օրենսգիրք) 345-րդ հոդվածի 1-ին մասի համաձայն՝ պարտավորության ուժով մի անձը (պարտապանը) պարտավոր է մեկ այլ անձի (պարտատիրոջ) օգտին կատարել որոշակի գործողություն. այն է՝ վճարել դրամ, հանձնել գույք, կատարել աշխատանք, մատուցել ծառայություն և այլն, կամ ձեռնպահ մնալ որոշակի գործողություն կատարելուց, իսկ պարտատերն իրավունք ունի պարտապանից պահանջել կատարելու իր պարտականությունը:

Օրենսգրքի 408-րդ հոդվածի համաձայն՝ պարտավորության խախտում է համարվում այն չկատարելը կամ անպատշաճ (կետանցով, ապրանքների, աշխատանքների և

ծառայությունների թերություններով կամ պարտավորության բովանդակությամբ որոշվող այլ պայմանների խախտմամբ) կատարելը:

«Գնումների մասին» ՀՀ օրենքի (հետայսու նաև՝ Օրենք) 6-րդ հոդվածի 1-ին մասի 6-րդ կետի համաձայն՝ բացառությամբ նույն օրենքի 23-րդ հոդվածի 1-ին մասի 1-ին, 3-րդ, 4-րդ և 5-րդ կետերով նախատեսված ընթացակարգով գնում կատարելու դեպքերի՝ գնումների ընթացակարգերին մասնակցելու իրավունք չունեն այն անձինք, որոնք հայտը ներկայացնելու օրվա դրությամբ ներառված են գնումների գործընթացին մասնակցելու իրավունք չունեցող մասնակիցների ցուցակում: Մասնակիցն ընդգրկվում է նշված ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը,

բ. որպես ընտրված մասնակից հրաժարվել է պայմանագիր կնքելուց,

գ. հայտերը բացելուց հետո հրաժարվել է գնման գործընթացին հետագա մասնակցությունից:

Օրենքի 6-րդ հոդվածի 2-րդ մասը սահմանում է, որ գնումների գործընթացին մասնակցելու իրավունքից զրկված մասնակցի վերաբերյալ ունեցած տեղեկությունների հիման վրա լիազորված մարմինը ընթացակարգ է նախաձեռնում գնումների հետ կապված բողոքներ քննող մարմնում՝ առանց վճարի: Տվյալ մասնակցի կարծիքը լսելուց հետո Գնումների հետ կապված բողոքներ քննող անձը նույն օրենքի 50-րդ հոդվածի 6-րդ մասով սահմանված ժամկետում որոշում է կայացնում մասնակցին սույն հոդվածով նախատեսված ցուցակում ընդգրկելու վերաբերյալ: Անձը նշված ցուցակում ընդգրկվում է երկու տարի ժամկետով:

Այսպես, ՀՀ պաշտպանության նախարարության և «Տեխնոգլոբ» ՍՊԸ-ի միջև 17.08.2021թ. կնքվել է թիվ «ԳՀԱՊՁԲ-21-22/5-1» ծածկագրով պետության կարիքների համար ապրանքի մատակարարման պայմանագիր, որի 1-ին կետի 1.1 ենթակետի համաձայն՝ Վաճառողը պարտավորվել է սույն պայմանագրով սահմանված կարգով, ծավալներով, ժամկետներում և հասցեով Գնորդին մատակարարել պայմանագրի N 1 հավելվածով՝ Տեխնիկական բնութագիր-գնման ժամանակացույցով նախատեսված ապրանքը, իսկ Գնորդը պարտավորվել է ընդունել ապրանքը և վճարել դրա համար:

Պայմանագրին կից N 1 հավելվածի Գնման ժամանակացույցով սահմանվել է հետևյալը.

Գնման առարկայի				
Զ/Հ	անվանումը	չ/մ	քանակը	Մատակարարումը՝ 2021թ. ըստ համապատասխան եռամսյակների
				4-րդ եռամսյակ, բայց ոչ ուշ քան 31.10.2021թ.
1	Եռոտանի (Շտատիվ) (Հրետանային բուսովի և Կ-1 կոլիմատորի եռոտանի)	հատ	100	100

Պայմանագրի շրջանակներում կողմերի միջև 29.10.2021թ. կնքվել է N 1 փոփոխությունը, որի 1.1 կետի համաձայն՝ Պայմանագրին կից գնման ժամանակացույցում կատարվել է փոփոխություն, որը ներկայացված է սույն փոփոխությանը կից N 1 Հավելվածով:

N 1 փոփոխությանը կից Հավելված 1-ի համաձայն՝ ապրանքի մատակարարման վերջնաժամկետ է սահմանվել 2021 թվականի 4-րդ եռամսյակ, բայց ոչ ուշ քան 30.11.2021թ.:

«Տեխնոգլոբ» ՍՊԸ-ն ՀՀ պաշտպանության նախարարությանն ուղղված 17.12.2021թ. գրությամբ հայտնել է հետևյալը.

«Հայտնում ենք Ձեզ, որ ԳՀԱՊՁԲ-21-22/5-1 պայմանագրով նախատեսված ապրանքները Եռոտանի (Շտատիվ) (Հրետանային բուսովի և Կ-1 կոլիմատորի եռոտանի)) ձեռք են բերվել մատակարարման նպատակով մեր կազմակերպության կողմից:

Տեղափոխման ընթացքում առաջացած ֆորսմաժորի արդյունքում ՀՀ տարածք է հասել խմբաքանակի մի մասը 20 հատ, (անհրաժեշտության դեպքում պատրաստ ենք տրամադրել վերոնշյալը հավաստող համապատասխան տեղեկանք, տրամադրված տեղափոխող կազմակերպության կողմից):

Խնդրում ենք լուծել վերոնշյալ պայմանագիրը, որը խմբաքանակի 2021թ. ընթացքում տեղափոխման անհնարինության հետ կապված:

Հաշվի առնելով այն հանգամանքը, որ ապրանքի ձեռք բերման կարիքը պատասխանատու ստորաբաժանման մոտ չի վերացել և մեր տրամադրության տակ առկա են 20 հատ շահագործման համար պիտանի խմբաքանակ, առաջարկում ենք այն նվիրաբերել պատասխանատու ստորաբաժանման կարիքների համար, պայմանագրով նախատեսված տուգանքները չկիրառելու դիմաց»:

Հայտը նախագծած ներկայացուցիչ ՀՀ ՋՌԻ ՀԶ և ՀՎ պլանավորման և հաշվառման բաժնի պետի կողմից 24.12.2021թ. կազմվել է պայմանագրի կատարման մասին թիվ 21/119

եզրակացությունը, համաձայն որի 17.12.2021թ. դրությամբ պայմանագրով նախատեսված ապրանքները չեն մատակարարվել:

Պատվիրատուն «Տեխնոգլոբ» ՍՊԸ-ին ուղղված 11.01.2022թ. գրությամբ հայտնել է հետևյալը.

«(...) Հիմք ընդունելով Պայմանագրի 2.1.7.1 կետի բ) ենթակետի պահանջը՝ ՀՀ պաշտպանության նախարարությունը 2022թ. հունվարի 7-ին միակողմանի ամբողջությամբ լուծել է վերոնշյալ Պայմանագիրը: (...):»:

Պատվիրատուի կողմից Տեղեկագրում 12.01.2022թ. հրապարակվել է Պայմանագիրը միակողմանի ամբողջությամբ լուծելու մասին ծանուցումը:

Այսպիսով՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետը սահմանում է, որ **մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը:**

Պայմանագրի 2.1.7-րդ կետի համաձայն՝ Պատվիրատուն իրավունք ունի միակողմանի լուծել պայմանագիրը (լրիվ կամ մասնակի), եթե վաճառողն էականորեն խախտել է պայմանագիրը.

Պայմանագրի 2.1.7.1-րդ ենթակետի համաձայն՝ Վաճառողի կողմից պայմանագիրը խախտելն էական է համարվում, եթե՝

ա) մատակարարվել է անպատշաճ որակի ապրանք, որը չի կարող փոխարինվել Գնորդի համար ընդունելի ժամկետում

բ) ապրանքի մատակարարման ժամկետները խախտվել են 30 օրից ավելի.

Պայմանագրի 6.6-րդ կետի համաձայն՝ Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

Այսպիսով՝ վերոգրյալի հաշվառմամբ արձանագրում եմ, որ «Տեխնոգլոբ» ՍՊԸ-ն խախտել է իր և ՀՀ պաշտպանության նախարարության միջև 17.08.2021թ. կնքված թիվ «ԳՀԱՊՁԲ-21-22/5-1» պայմանագրով ստանձնած պարտավորությունները, ինչն էլ իր հերթին հանգեցրել է Պատվիրատուի կողմից Պայմանագրի միակողմանի լուծման:

Ինչ վերաբերում է Ընկերության կողմից ներկայացված դիրքորոշմամբ վկայակոչված փաստական հանգամանքներին, մասնավորապես՝ Ընկերությունը հայտնել է հետևյալը.

«Սույն գործի փաստերի համաձայն, թեև Ընկերությունը հայտնել է, որ պայմանագրով սահմանված ժամկետում ապրանքը չմատակարարելու համար եղել են անկանխելի և անհաղթահարելի իրավիճակ, այնուամենայնիվ, եթե Պատվիրատուն եզրահանգել է, որ առկա է «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի հիմքերը, ապա այդ հիմքերը Պատվիրատուի համար ի հայտ են եկել դեռևս 30.11.2021 թվականին: Պատվիրատուն Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով տվյալները և փաստաթղթերը ՀՀ ֆինանսների նախարարությանն է ներկայացրել 13.01.2022 թվականին:

Պատվիրատուի կողմից չի պահպանվել Կարգի 45-րդ կետով սահմանված իմպերատիվ դրույթը, որպիսի պարագայում Օրենքի 6-րդ հոդվածի 1-ին մասի 6-րդ կետով սահմանված պատասխանատվությունը չի կարող ծագել և հանգեցնել Ընկերությանը գնումների գործընթացին մասնակցելու իրավունք չունեցող մասնակիցների ցուցակում ներառելուն»:

Այսպիսով՝ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետը սահմանում է, որ **մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե խախտել է պայմանագրով նախատեսված պարտավորությունը, որը հանգեցրել է պարտավորուի կողմից պայմանագրի միակողմանի լուծմանը:**

Պայմանագրի 2.1.7-րդ կետի համաձայն՝ **Պարտավորություն իրավունք ունի միակողմանի լուծել պայմանագիրը (լրիվ կամ մասնակի), եթե վաճառողն էականորեն խախտել է պայմանագիրը.**

Պայմանագրի 2.1.7.1-րդ ենթակետի համաձայն՝ **Վաճառողի կողմից պայմանագիրը խախտելն էական է համարվում, եթե՝**

ա) մատակարարվել է անպատշաճ որակի ապրանք, որը չի կարող փոխարինվել Գնորդի համար ընդունելի ժամկետում

բ) ապրանքի մատակարարման ժամկետները խախտվել են 30 օրից ավելի.

Այսպիսով՝ **արձանագրում եմ, որ պարտավորությունները ծագում են պայմանագրից, հետևաբար՝ պայմանագրով էլ սահմանվում են պարտավորությունները կատարելու կարգն ու ժամկետները և դրանց մասով խախտումներն էական համարվելու պայմաններն ու դեպքերը, փվյալ դեպքում Պայմանագրի 2.1.7.1 ենթակետի բ) պարբերությամբ նախատեսված էական խախտման փաստը վրա հասել 30.12.2021թ., որի հիման վրա Պարտավորություն լուծել է**

Պայմանագիրը և 12.01.2022թ. Տեղեկագրում հրապարակել Պայմանագիրը միակողմանի ամբողջությամբ լուծելու մասին ծանուցումը:

Պատվիրատուն, ղեկավարվելով ՀՀ կառավարության 04.05.2017թ. N 526-Ն որոշմամբ հաստատված «Գնումների գործընթացի կազմակերպման» կարգի (հետայսու՝ Կարգ) 45-րդ կետի դրույթով, **Ընկերության տվյալները՝ համապատասխան հիմքերով, լիազորված մարմինն ներկայացրել է 13.01.2022թ. թիվ ՊՆ/02/163-2022 գրությամբ:**

Այսպիսով՝ Պայմանագրի 8-րդ կետի 8.9-րդ ենթակետի համաձայն՝ վաճառողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է www.procurement.am հասցեով գործող ինտերնետային կայքի «Պայմանագիրը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: **Վաճառողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից:**

Կարգի 33-րդ կետի 17-րդ ենթակետի համաձայն՝ պայմանագիր կնքած անձի կողմից ստանձնված պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը պատվիրատուն հրապարակում է տեղեկագրում՝ նշելով հրապարակման ամսաթիվը: **Պայմանագիր կնքած անձը համարվում է պայմանագիրը միակողմանի լուծելու մասին պատշաճ ծանուցված՝ ծանուցումը տեղեկագրում հրապարակվելուն հաջորդող օրվանից:** Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը ուղարկվում է նաև պայմանագիր կնքած անձի էլեկտրոնային փոստին:

Կարգի 45-րդ կետով սահմանվում է, որ Օրենքի 6-րդ հոդվածի 1-ին մասի 6-րդ կետով նախատեսված հիմքերն ի հայտ գալու օրվան հաջորդող հինգ աշխատանքային օրվա ընթացքում պատվիրատուն տվյալ մասնակցի տվյալները՝ համապատասխան հիմքերով, գրավոր ուղարկում է լիազորված մարմին, որը դրանք ստանալուն հաջորդող 5 աշխատանքային օրվա ընթացքում նախաձեռնում է տվյալ մասնակցին գնումների գործընթացին մասնակցելու իրավունք չունեցող մասնակիցների ցուցակում ներառելու ընթացակարգ:

Վերը նշված փաստերով պայմանավորված՝ արձանագրում եմ, որ «Տեխնոգլոբ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում

ներառելու «Գնումների մասին» ՀՀ օրենքի 6-րդ հոդվածի 1-ին մասի 6-րդ կետով նախատեսված **հիմքերն ի հայտ են եկել** Պայմանագիրը միակողմանի լուծելու մասին **ծանուցումը փեղեկագրում հրապարակվելուն հաջորդող օրվանից**, երբ Պայմանագիրը կնքած անձը համարվել է **պայմանագիրը միակողմանի լուծելու մասին պատշաճ ծանուցված, այսինքն՝ 13.01.2022թ., հետևաբար Ընկերության կողմից վկայակոչված վերը շարադրված դիտարկումը անհիմն է և զուրկ որևէ իրավական հիմքից:**

Մինևույն ժամանակ Ընկերությունը ներկայացված դիրքորոշմամբ հայտնել է, որ 17.08.2021թ կնքված պայմանագրի մատակարարման ժամկետը եղել է 30.11.2021 թվականը, 17.12.2021 թվականին Ընկերությունը գրությամբ հայտնել է, որ պատրաստ է մատակարարվող ապրանքից մատակարարել 20 հատ, մինչդեռ՝ արձանագրում եմ, որ նշված գրությամբ Ընկերությունը Պատվիրատուին խնդրել է լուծել վերոնշյալ պայմանագիրը, ողջ խմբաքանակի 2021թ. ընթացքում տեղափոխման անհնարինության հետ կապված և հաշվի առնելով այն հանգամանքը, որ ապրանքի ձեռք բերման կարիքը պատասխանատու ստորաբաժանման մոտ չի վերացել և իրենց տրամադրության տակ առկա են 20 հատ շահագործման համար պիտանի խմբաքանակ, առաջարկել է այն նվիրաբերել պատասխանատու ստորաբաժանման կարիքների համար, պայմանագրով նախատեսված տուգանքները չկիրառելու դիմաց, որպիսի իրավական կարգավորում գնումների մասին ՀՀ օրենսդրությունը չի նախատեսում:

Ելնելով վերոգրյալից՝ գտնում եմ, որ Ընկերությունը թույլ է տվել «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի «ա» ենթակետով նախատեսված խախտում, ուստի առկա են «Տեխնոգլոբ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու հիմքերը:

Ելնելով վերոգրյալից և ղեկավարվելով «Գնումների մասին» ՀՀ օրենքի 50-րդ հոդվածի 7-րդ մասի 2-րդ կետով՝

Ո Ր Ո Շ Ե Ց Ի

Հայաստանի Հանրապետության ֆինանսների նախարարության 20.01.2022թ. թիվ 26/26-1/997-2022 գրությամբ «Տեխնոգլոբ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախաձեռնված ընթացակարգը բավարարել և «Տեխնոգլոբ» ՍՊԸ-ին ընդգրկել գնումների գործընթացին մասնակցելու իրավունք չունեցող մասնակիցների ցուցակում՝ ՀՀ գնումների

հետ կապված բողոքներ քննող անձի որոշումն ուժի մեջ մտնելու օրվանից հաշված երկու տարի ժամկետով:

ՀՀ գնումների հետ կապված բողոքներ քննող անձի որոշումն իրավապարտադիր է և ուժի մեջ է մտնում տեղեկագրում հրապարակվելու հաջորդ օրը:

ՀՀ գնումների հետ կապված բողոքներ քննող անձի որոշումը կարող է փոփոխվել կամ վերացվել, այդ թվում՝ մասնակի, միայն դատարանի կողմից:

**Գնումների հետ կապված
բողոքներ քննող անձ՝**



ԳՐԻԳՈՐ ՆԵՐՍԻՍՅԱՆ